


# COMUNU DE SÌNNIA

REGULAMENTU  
GENERALI  
DE SA SCOLA TZÌVICA DE  
MÙSICA  
"GIUSEPPE  
VERDI"



## Sumàriu

REGULAMENTU DE SA SCOLA TZÌVICA DE MÙSICA.....	1
REGULAMENTU GENERALI.....	4
TÌTULU I - TAREAS - EFICATZIDADI - PARTECIPATZIONI DE IS TZITADINUS.....	4
Art. 1 - Ogetu e Tareas de su Regulamentu.....	4
Art. 2 - Eficatzidadi e economitzidadi.....	4
Art. 3 - Partecipatzioni de is tzitadinus.....	4
TÌTULU II- OFÈRRIDA IMPARADORA - ORGANIZATZIONI E ATIVIDADI DIDÀTICA.....	5
Art. 4 - Ofèrrida imparadora.....	5
Art. 5 - Organizatzioni e atividadi didàtica.....	5
Art. 6. - Printzipius operativus de sa atividadi didàtica.....	5
TÌTULU III - CURSUS - DISCIPLINAS MUSICALIS - ESÀMINIS.....	6
Art. 7 - Cursus.....	6
Art. 8 - Programas e esàminis.....	6
TÌTULU IV - MANERAS E CUNDITZIONIS DE ISCRITZIONI E AFITIANADURA.....	7
Art. 9 - Maneras de iscrizioni.....	7
Art. 10 - Cunditzionis de iscrizioni e afitianadura.....	7
Art. 11 - Renùntzias e rimbursus.....	7
TÌTULU V - DISCIPLINA - DÈPIS APITZUS DE IS STUDIANIS - REGISTRATZIONIS DE IS LETZIONIS.....	9
Art. 12 - Disciplina, dèpiris e proibimentus.....	9
Art. 13 - Dèpiris apitzus de is Scientis. Borsas de stùdiu e agiudus.....	9
Art. 14 - Registratzioni de is letzionis e de is presèntzias.....	9
TÌTULU VI - ÒRGANUS DE SA SCOLA - FUNTZIONAMENTU.....	10
Art. 15 - Òrganus de sa Scola.....	10
Art. 16 - Su Cunsillu Scolàsticu.....	10
Art. 17 - Diretori Artìsticu.....	10
Art. 18 - Funtzionamentu de su Cullègiu de is Imparadoris-Cullaboradoris.....	11
Art.19 - S'Acorrada de studiantis e babus e mamas.....	11
TÌTULU VII - SCIOBERU DE SU PERSONALI.....	12
Art. 20 - Maistus - Cullaboradoris - Scioberu.....	12
Art. 21 - Personali de agiudu.....	12
TÌTULU VIII - SEGRETERIA - FUNTZIONAMENTU.....	13
Art. 22 - Segretària de sa Scola.....	13
TÌTULU IX - CARTA DE IS SERVÌTZIUS E ARRÈGULAS FINALIS.....	14
Art. 23 - Carta de is Servìtzius.....	14
Art. 24 - Arrègulas finalis e transidòrias.....	14

# SCOLA TZÌVICA DE MÙSICA "G.VERDI" - SÌNNIA

## REGULAMENTU GENERALI

### TÌTULU I

#### TAREAS - EFICATZIDADI - PARTECIPATZIONI DE IS TZITADINUS

##### **Art. 1 - Ogetu e Tareas de su Regulamentu**

1. Custu Regulamentu cuncordat s'atividadi de sa Scola Tzìvica de Mùsica "G. Verdi" de Sìnnia, castiendi is apretus culturalis de sa popolatzioni.
2. Sa Scola Tzìvica de Mùsica tenit sa tarea de impelli sa spratzinadura de sa cultura musicali me is comunus chi ndi pigant parti e in su territòriu locali, atruessu de s'ofèrrida de unu caminu imparadori cunformau in su situu musicali e strumentali e atruessu de sa apariciadura de eventus musicalis.

##### **Art. 2 - Eficatzidadi e economitzidadi**

1. Sa strutura organizzadora de sa Scola e is relatas funtzionalis intre is partis suas funt finalizadas a sa cumpridura de is tareas cuncordadas de is Comunus chi nci pigant parti, sighendi allegas de economitzidadi e de echilibriu intre risorsas e interbènnidas.
2. Cun custa tarea, sa gestioni de is atividadis de sa Scola est posta asuta de averiguadura e scrucullu me is maneras previdias de su regulamentu de is scrucullus de aintru, po cussu chi pertocat s'ordinamentu de is ufitzius e de is servìtzius e de su regulamentu de contabilidadi de su Comunu Capofila.

##### **Art. 3 - Partecipazioni de is tzitadinus**

1. Sa scola de Mùsica favoressit sa partecipazioni de is tzitadinus a is atividadis cosa sua e s'intrada a is àutus, arrespetendi totus is normas cumandadas de sa lei e de is disposiduras impreadas de su Comunu apitzu de trasparèntzia de s'atividadi amministrativa.
2. Po amparai s'interessamentu cosa sua bia a sa spratzinadura de su servìtziu e po favoressi sa cullaborazioni cun sa Scola de Mùsica, s'impreadori podit apariciai inditaduras po amellorai cussu servìtziu e totu, arrexonus e arriciri informatzioni e presentai chèscias.

## TÌTULU II

### OFÈRRIDA IMPARADORA - ORGANIZATZIONI E ATIVIDADI DIDÀTICA

#### **Art. 4 - Ofèrrida imparadora**

1. Sa Scola tzìvica de mùsica, cun sa partecipazioni de totus is partis suas, apariciat su Pianu de s'ofèrrida imparadora. Su Pianu est unu documentu de fundòriu apariciadori de sa identidadi culturali e progetuali de sa Scola e acrarat sa progetazioni educadora e apariciadora cosa sua.
2. Su Pianu de s'ofèrrida imparadora est cunforma cun is tareas generalis e educadoras de sa Scola e amostat is apretus de su cuntestu culturali, sotziali e econòmicu de sa realidadi de su logu. Custu imbordigat e arreconoscit is medas scioberus metodològicus e valorizat is professionalidadi chi ddi currispundint.
3. Su Pianu de s'ofèrrida imparadora est apariciu de su Cullègiu de is Imparadoris-Cullaboradoris numenus in s'art. 11 de su Statutu asuta de su coordinamentu de su Diretori Artisticu, sighendi is caminus generalis po is atividadi de sa Scola e de is scioberus generalis de gestioni e de aministratzioni cumandaus de su Cunsillu Scolàsticu.

#### **Art. 5 - Organizazioni e atividadi didàtica**

1. S'organizazioni didàtica de sa Scola si cuncordat in unus setoris principalis: sa propedèutica e sa formazioni musicali de basi; is cursus regularis strumentalis e vocalis; is cursus chi incarrerant bia a unu stùdiu professionali; su setori de is cursus amatorialis; su setori de is costumàntzias popolaris.  
Su pianu didàticu de sa scola est apariciu de custa manera:
  - a) Mùsica e giogu: cursu po is pipius de is 3 a is 5 annus
  - b) Propedèutica: letzionis culletivas a duus pillus de is ses a is dexi annus
  - c) Biènniu formativu: po is piciocheddus de is noi finsas a is quatòrdixi annus
  - d) Biènniu orientadori: po is studiantis chi tenint giai cumpetèntzias strumentalis
  - e) Cursus amatorialis: po is studiantis de su livellu de cumintzu, de is sexi annus in susu
  - f) Triènniu de spetzializazioni: po is studiantis chi bolint aprofundizai su stùdiu strumentali
  - g) Cursus superioris: sighint is inditadoris de is programmas ministerialis a caminu professionali

#### **Art. 6. - Printzipius operativus de sa atividadi didàtica**

1. Sa Scola, atruessu de su sugetu gestori numenau in s'art. 6 de su Statutu, po assegurai sa formazioni de su scienti impreat su printzipiu de sa sighidura didàtica, sighendi su caminu imparadori scioberau, cuncordendi is abisòngius de su scienti cun su calendàriu scolàsticu.
2. In acotèssiu de farta de sa letzioni po arresonis chi pertocant a sa Scola, a is scientis at a èssiri assiguaru sempri su recuberamentu de is oras de letzioni puru atruessu de sa tzerrada a unu suplidori. No est amitiu su recuberamentu de is letzionis po ausèntzias ocasionadas de abisòngius de su scienti.
3. S'Aministratzioni comunali cabufila si chistit su scioberu de apariciu una Cumissioni scruculladora furmada de sugetus de esperièntzia cunfrimada in sa matèria musicali spetzifica cun sa tarea de averiguai su profetu didàticu de su maistu in acotèssiu de unu tanti mannu de scientis chi lassant is cursus in una classì.
4. In s'ipòtesi chi sa cumissioni scruculladora - chistionendi cun su maistu imbordigau - averiguit sa farta de profetu didàticu de unu imparadori, su gestori impreat is provedimentus chi serbint.

## TÌTULU III

### CURSUS - DISCIPLINAS MUSICALIS - ESÀMINIS

#### Art. 7 - Cursus

Sa Scola de Mùsica previdit in su Pianu de s'Ofèrrida Formativa cursus de strumentus, cantu, materias alliongiadas e costumàntzias popolaris intre custas asuta:

##### 1) DISCIPLINAS DE INDIRITZU CLÀSSICU

CANTU LÌRICU  
CANTU CORALI  
GHITERRA CLÀSSICA  
CLARINETTO  
CORRU  
EUPHONIUM  
PIPAIOLU  
ÒBOE  
MUSICOTERAPIA  
PERCUSSIONI CLÀSSICAS  
PIANUFORTI CLÀSSICU  
SASSÒFONU  
TRUMBA  
TRUMBONI  
TUBA  
VIOLINU

##### 2) DISCIPLINAS A INDIRITZU MODERNU

BASSO ELÈTRICU  
BATERIA  
GHITERRA ELÈTRICA  
EDUCATZIONI DE SA BOXI E CANTU MODERNU  
INFORMÀTICA MUSICALI  
MÙSICA JAZZ  
MÙSICA SPERIMENTALI E CONTEMPORÀNEA  
PIANUFORTI MODERNU/JAZZ

##### 3) DISCIPLINAS ALLIONGIADAS

ARMONIA  
CORU DE BOXIS BIANCAS  
DIREZIONI E STRUMENTATZIONI  
GHIA A S'ASCURTU DE SA MÙSICA  
MÙSICA D'INSIEME  
ORCHESTRA PROPEDÈUTICA  
PROPEDÈUTICA MUSICALI  
STÒRIA DE SA MÙSICA  
TEORIA E SOLFÈGIU

##### 4) COSTUMÀNTZIAS POPOLARIS

CANTU CAMPIDANESU  
SONETU  
LAUNEDDAS  
SONETU A BUCA

#### Art. 8 - Programas e esàminis

Is Cumissionis po is esàminis de passàgiu e de cunfirma, aici cumentis is Cumissionis po is esàminis de amitidura, funt apariciadas de su Diretori Artisticu de sa Scola, chi ddas presidit, de su maistu de sa matèria de su cursu e de un'atru maistu puru titolari de un'atru imparamentu.

In su petantis de su cursu de stùdius su scienti at a podi fai is esàminis pos'amitidura a su Cunservatòriu Musicali, fendiddu sciri a su maistu cosa sua.

## TÌTULU IV

### MANERAS E CUNDITZIONIS DE ISCRITZIONI E AFITIANADURA

#### Art. 9 - Maneras de iscrizioni

1. Sa Scola publicizat, cun is maneras consideradas prus profetosas, s'obèrrida de is iscrizioni e is maneras imbordigadas. S'annu scolàsticu tenit una sighidura mìnima de otu mesis. Podint èssiri previdius puru cursus istadialis in manera particulari po is scientis chi depint fai is esàminis.
2. Me is ipòtesis de disponibilitadi bàscia de logus po dònna disciplina a sola o po una farta de istituzioni de classis aciuntas, chi potzant ocasionai sa impossibilitadi de arricidsura de totus is dimandas de iscrizioni, su Diretori Artisticu, de acòrdiu cun su sugetu gestori numenau in s'art. 6 de su Statutu, podit previdi unu nùmeru serrau de scientis, scioberendi is maneras de amitidura a cussus cursus. De dònna manera at a èssiri assegurada sa pretzedèntzia a cussus scientis chi fiant iscritus puru s'annu scolàsticu passau, mentras po is sobraduras, ant a èssiri apariciaus elencus de reserva.
3. Is scientis chi faint parti de sa fàscia de edadi scioberada po s'iscritzioni a Propedèutica o a su Biènniu imparadori, chi tenint totus is cumpetèntzias giai arricias o de atitudinis musicalis mannas meda, podint èssiri amitiis - apustis de àiri fatu s'esàmini - a unu livellu sighidori de su cursu. Po s'amitidura a is cursus de strumentu. sa Scola, si chistit su scioberu de fai proas de intrada po averiguai su tanti de is cumpetèntzias de su scienti.
4. Sa Scola oferrit, in prus, a cussus giai diplomaus, sa sceda de si iscriri cumentis novitzius po su temus de duus annus, a is letzionis de strumentu.
5. Est possìbili s'iscritzioni a indonu a sa Scola, a pustis de àiri castiau sa disponibilitadi de su imparadori titolari de sa classi, po cussus chi ascurtant e po is musicistas giòvunus chi bolint cullaborai cun is atividadis de mùsica d'insieme e orchestra. Sa Scola, in prus, podit, po dònna annu scolàsticu, permiti sa esentzioni partziali o puru totali de su pagamentu de su tanti de iscrizioni, a unu nùmeru màssimu de otu studentis majorischi in su momentu de s'iscritzioni si pongant de manera furmali disponìbili a donai sa obra voluntària cosa sua a apoderamentu de is atividadis de sa promovidura e de organizazioni de is eventus musicalis.

#### Art. 10 - Cunditionis de iscrizioni e afitianadura

1. Su tanti de iscrizioni e de afitianadura funt cuncordadas cun deliberazioni de Giunta Comunali in sa sedi de aprovazioni de su Balanzu de Prevididura, apustis de propònnida de su sugetu gestori cunforma a s'art. 6 de su Statutu cun sa tarea de assegurai s'equilibriu econòmicu-finanziàriu de sa gestioni de sa Scola.
2. Is scientis amitiis depint corrispondi de manera regulari is tarifas de afitianadura. Su pagamentu fartau de is cuotas aintru de is trèminis donaus de sa Segreteria de sa Scola, podit ocasionai sa entrega de smendas cumentis scioberadas de sa Giunta Comunali in su logu de aprovazioni de is tarifas.
3. Sa Giunta Comunali podit aparicai sa entrega de su tanti de iscrizioni e afitianadura puru imperendi is ratas.
4. Is scientis chi bolint cunfrimai sa afitianadura a s'annu scolàsticu sighidorian a depi amostai su pagamentu fatu de is cuotas e de is penalis eventualis po tradus de pagamentu de is ratas chi pertocant a s'annus scolàsticu de innantis. De atra amnera s'iscritzioni no si podit fai.
5. Is tarifas funt diferentziadas castiendi a su cursu chi su scienti bolit fai.
6. In s'acontèssiu de medas membrus de sa pròpia famiglia iscritus a sa Scola, ant a podi gosai de scontus, su tanti est cuncordau de una delibera de sa Giunta Comunali.

#### Art. 11 - Renùntzias e rimbursus

1. Sa renùntzia eventuali a s'iscritzioni depit èssiri comunicada de manera scritta a sa Segreteria. Sceti in custu acontèssiu su scienti at a èssiri esonerau de is cuotas chi sobrant.
2. Sa cuota de afitianadura - no cussa chi pertocat a s'acontu - podint èssiri torraus de manera proporzionali a su nùmeru de letzionis ogetu de renùntzia.
3. In acontèssiu de ausèntzia chene arresonis po a su mancu tres letzionis sighias, sa segreteria podit preguntai cunfrima scrta a sa afitianadura de is cursus. Sa farta de sceda scritta aintru de

is cincu diis s'ghidoras at a ocasionai sa pinnigada de ufitziu de su scienti ausenti e s'entrega de sa letzioni chi sobrat a su primu de sa lista de is scientis iscritus cun reserva.

4. Po cussus iscritus a su trastu dòpiu est permitia sa renùntzia siat de su cursu printzipali e siat de cussu secundàriu. In su primu de is duus acotèssius sa materia aciungidora si stramùdiat in materia printzipali chene deretu de su rembursu de sa cuota donada in su tempus de s'iscritzioni.

## TÌTULU V

### DISCIPLINA - DÈPIRIS APITZUS DE IS STUDIANZIS - REGISTRATZIONIS DE IS LETZIONIS

#### **Art. 12 - Disciplina, dèpiris e proibimentus**

Su cumportamentu de is scientis s'ata depi ispirai a sa curregidura màssima e a sa disciplina prus manna in su petantis de is letzionis, is acorradas, is esercitatzionis e is tempus de sbèliu. Sa cundizioni de s'andamentu mellus de su traballu scolàsticu est s'ghia cun su càstiu pibincosu de sa disciplina cumentu est previdiu de sa Carta de is Servitzius.

Is scientis si depint cunformai a totus is cumandus de cumportamentu impreadas in sa Scola e a cussus spratzinaus de su Diretori po su caminu mellus de sa atividadi scolàstica.

Is scientis depint arrespetai sa puntualidadi màssima finsas de sa prima dii de letzioni. Sa no presentazioni a su cumintzu de su cursu at a ocasionai, barigau su tradu de duas cidas chene chi amostint una arresoni grai e giustificada, sa bogadura e s'arremprasu cun unu atru scienti.

Is violatzionis de is Scientis a is cumandus donaus ant apodi ocasionai custas smendas:

- a) amonestu a boxi de su Diretori;
- b) amonestu scritu de su Diretori;
- c) arrèscida interina de su Scienti de sa afitianadura, donada de su Diretori;
- d) bogadura definitiva de su Scienti, entregada de su Cullègiu de is Cullaboradoris.

Su provedimentu de bogadura definitiva podit èssiri chesciau entregendi recursu de manera geràrchica a su Responsàbili de sa Scola de su Comunu Cabufila de entregai aintru de 30 diis de sa dii de notifica.

Su Responsàbili de sa Scola de su Comunu Cabufila s'at a pigai is scioberus cosa sua aintru de 30 diis de sa presentazioni de su recursu, ascurtendi apitzus de custa chistioni a su Scienti e a su Cullègiu de is Imparadoris -Cullaboradoris e ascurtendi su parri de su Cunsillu Scolàsticu.

Is Scientis, a sa sola o in truma, pigant parti a indonu a proas, esecutzionis, cuncertus o atrus eventus apariciaus de sa Scola o aundi issa e totu nci pigat parti.

#### **Art. 13 - Dèpiris apitzus de is Scientis. Borsas de stùdiu e agiudus**

Is scientis faint puru, paghendi issus, sa còmpora de is strumentus personalis e de is librus de testu. Is Comunas ant a podi apariciai, a profetu de is studentis chi bivint in su territòriu cosa sua, agiudus de dinai cun sa tarea de allebiai su tanti de is cuotas de intrada a servitziu de sa Scola.

Po is studentis chi benint de famillias in acontèssius de strobis econòmicus cunfrimaus, chi fessant merescidoris, ant a podi èssiri resguardadas de is Aministrazzionis comunalis de sa bidda sua, borsas de stùdiu apòsitato allebiaduras intreas o de una parti de is tantis de pagai, cumentu cumandaus e cuncordaus de dònna Aministrazzioni Comunali chi nci pigat parti.

A is studentis pòberus at a podi èssiri permitia, cunforma a is disponibilidadi, s'impreu de is gastus de propiedadi de sa Scola.

#### **Art. 14 - Registratzioni de is letzionis e de is presèntzias**

A su cumintzu de dònna letzioni su Imparadori-Cullaboradori averiguat e scrit in su diàriu de classi is ausèntzias e is tradus de is Scientis e cumprit a s'acabu de sa letzioni a sa comunicatzioni insoru a sa Direzioni e a sa Segreteria de sa Scola po su scrucullu s'ghidori de sa giustificatzioni.

Apustis de dònna letzioni su Imparadori-Cullaboradori at a prenni totu su diàriu de classi scriendi puru s'allega de sa letzioni fata e ponendi sa firma cosa sua.



## TÌTULU VI

### ÒRGANUS DE SA SCOLA - FUNTZIONAMENTU

#### Art. 15 - Òrganus de sa Scola

1. Funt Òrganus de sa Scola Tzivica de Mùsica sighendi is arrègulas statutàrias:
  - a) Su Cunsillu Scolàsticu;
  - b) Su Diretori Artisticu;
  - c) Su Cullègiu de is Imparadoris-Cullaboradoris;
  - d) S'Acorrada de is Babus e Mamas e de is Scientis.

#### Art. 16 - Su Cunsillu Scolàsticu

1. Tocat a su Cunsillu lassai parris po cussu chi pertocat a is allegas prus de fundòriu chi pertocant a is progetus didàticu-culturalis e sa atividadi didàtica. Su Cunsillu amostat su parrì in sa Carta de is Serv'itzius de sa Scola.
2. Su Cunsillu apariciat e amostat cun allegas arrexonadas is pianus de gastu po sa còmpora de materiali didàticu, alàscias, trastus e aciunturas musicalis, de manutengu e/o aconciadura de entregai po sa sighidura de cumpetèntzia a su sugetu gestori.
3. Su Cunsillu est tzerriau e presidiau de su Diretori Artisticu, de costumàntzia duas bortas a s'annu, a su cumintzu e a s'acabu de s'annu scolàsticu, in prus chi in is acontèssius de su comma de innantis e candu ndi fetzat pregunta, a su mancu unu tèrtziu de is componentis cosa sua. De sa tzerriada de su Cunsillu est donada comunicatzioni scrìta a is cumponentis e a su Responsàbilis de sa Scola Tzivica de Mùsica de su Comunu Cabufila chi podit fueddai in dònna acorrada. Còpia de dònna tzerriada est apicada in sa bacheca de sa Scola. Is acorradas de su Cunsillu balint candu nci pigant parti a su mancu tres de is cumponentis eligidoris cosa sua.
4. Is cumponentis eligius chi po tres acorradas sighias ant a èssiri ausentis chene giustificatzioni perdint sa càrriga. Segretàriu verbalizadori est su Responsàbilis de su Sugetu Gestori cunforma a s'art. 6 de su Statutu o de unu incarrigau suu, chi tenit sa responsabilidaid de sa tentura de su libru de is verbalis, de s'apariciadura de totus is àutus arrechèdius po su funtzionamentu regulari de su Cunsillu.
5. Me is aposentus de sa Scola est permiu a is cumponentis de su Cunsillu Scolàsticu s'impreu liberu de unu logu apòsitu po apicai giornalis muralis, notiziàrius, circularis, manifestus e atras cosas scrìtas o imprentadas cunformas a is cumandus generalis apitzus de s'imprenta e chi pertocant noas de interessu escludori de sa Scola.
6. In acontèssiu de dimitiduras o decadèssida de unu de is cumponentis in rapresentàntzia de is òrganus cunforma a is artt. 11 e 12 de su Statutu, su Diretori Artisticu at a fai s'arremprasu imbordigau tzerriendi a fai parti de su Cunsillu a su primu de cussus no eligius de is listas insorus. In s'acontèssiu chi acabint s'incàrrigu duus componentis apitzus de tres, e no siat possibili a ddus arremprasai, s'at a apariciat una eligidura noa, puru po categorias a sa sola.

#### Art. 17 - Diretori Artisticu

1. Su Diretori Artisticu in sa cumpridura de is tareas cosa sua tenit sa autonomia professionali prena e est numenau de su sugetu gestori cunforma a s'art. 6 de su Statutu de sa Scola.
2. Su Diretori artisticu depit tenni cumpetèntzias imparadoras e professionalis spetzialìsticas in su s'itu didàticu musicali e esperièntzias diretzionalis - apariciadorias a su manu de su tempus de cinqu annus.
3. Su sugetu chi cumprit s'incàrrigu de Diretori Artisticu, de costumau, no depit tenni su pròpiu rolu in atras scolas tzivicas de mùsica de sa regioni.
4. Funt de cumpetèntzia de su Diretori Artisticu custas atividadis:
  - a) sa gestioni de is relatas cun babus e mamas e scientis;
  - b) sa gestioni de is relatas cun is maistus-cullaboradoris e sa apariciadura cun cussus e totu, de programas didàticus e de produssiduras didàticu-artisticas de sa Scola;
  - c) sa promovidura de iniziativa e manifestatzionis artisticass po s'adelamentu de sa cultura musicalis;
  - d) sa cullaboratzioni cun sa segreteria po sa gestioni de sa atividadi didàtica e po sa apariciadura de su pianu de is còmporas e scioberai po cussu chi pertocat s'imprètidu de is strumentus e a s'impreu de is àulas;
  - e) dònna entrega chistionada in is indiritzus postus in is trastus de programatzioni de

s'aministratzioni comunali cabufila;

5. Tocat, sempri a su Diretori, impari cun is apretus de sa scola e cun provedimentu arrexonau, entregai de impreu po tempus piticus meda e apustis de seguràntzias profetosas, strumentus musicalis no personalis o atras cosas de propiedadi de sa Scola a is Assòtzius chi ddus ant a podi pediri po apretus imparadoris e de spetàculu cosa sua sprigaus beni, imbordigaus a iniziativaas de importu sotziali mannu.

#### **Art. 18 - Funtzionamentu de su Cullègiu de is Imparadoris-Cullaboradoris**

1. Totus is cullaboradoris de sa Scola faint su cullègiu de is Imparadoris-Cullaboradoris, òrganu consultivu chi si acorrat apustis de sa tzerriada de su Diretori Artisticu o apustis de sa pedidura de a su mancu unu quartu de is cullaboradoris e totu. Sa tzerriada acontessit cun sa entrega aintru de is dexi diis ainnantis de unu cumbidu scritu de pinnigai anca sa Segretèria po parti de dònna maistu, cun aintru s'òrdini de sa dii de chistionai, sa dii e sa ora de sa tzerriada.
2. Su Cullègiu si acorrat a su mancu duas bortas a s'annu, a su cumintzu de s'annu scolàsticu o candu est giai cumintzau, po chistionai e averigui is maneras de cumpridura de su Pianu de sa Ofèrrida Formativa.
3. Is parris amostaus de su Cullègiu funt cunsideraus bàlidus si a s'acorrù nci pigat parti a su mancu unu quartu de is cumponentis e s'aconciada est agradèssia a majoria prena de cussus chi nc'ant pigau parti.

#### **Art.19 - S'Acorrada de studiantis e babus e mamas**

1. De s'acorrada de is studiantis e babus e mamas faint parti totus is scientis e is babus e mamas e cussus chi tenint sa potestadi genitoriali de is piciocheddus iscritus chi funt ancora minoris.
2. S'acorrada si atòbiat a su mancu una borta a s'annu apustis de sa tzerriada de su Diretori Artisticu, e dònna borta chi dd'at a pediri unu quartu de cussus chi ndi tenint deretu a nci pigai parti o apustis de sa pedidura de is rapresentantis. Is setziadas funt bàlidas sceti si nci pigant parti a su mancu dexi membrus e is scioberus funt pigaus a majoria de cussus chi ddoi funt.
3. In su tempus de su primu acorrù funtu numenaus - intre is studiantis majoris e is babus e mamas de is minoris, is cuàturu rapresentantis in su cunsillu scolàsticu.
4. S'acorrada, chi est presidiada de is rapresentantis de is scientis in su cunsillu scolàsticu, podit entregai cunsillus e propònnidas castiendi s'atividadi de sa Scola e sa promovidura culturali in su setori musicali.
5. S'acorrada podit, aintru de issa, favoressi s'apariciadura de una truma de babus e mamas e/o studiantis chi promovat sa cullaboratzioni po sa apariciadura e a sa cumpridura de is atividadis alliongiadas de sa Scola impari cun su Diretori artisticu.

## **TÌTULU VII**

### **SCIOBERU DE SU PERSONALI**

#### **Art. 20 - Maistus - Cullaboradoris - Scioberu**

1. Sa protzedura de scioberu de su sugetu gestori cunforma a s'art. 6 de su Statutu previdit a craru, cumentu critèriu de calidadi de valutazioni po s'affilladura, su livellu professionali e curriculari de is imparadoris agataus de cussu e totu.
2. Is cullaboradoris funt is responsàbilis de su cumprimentu de su programa de su cursu afillau a issus, traballant cun sa tarea de sa libertadi de imparamentu, cun sa manera de sa programatzioni collegiali e de su coordinamentu interdisciplinari.
3. Is maneras de cumpridura de sa atividadi didàtica funt amostadas de su sugetu gestori cunforma a s'art. 6 de su Statutu.
4. Cunforma a su D.Lgs. n. 165/2001, is cullaboradoris e sonadoris dipendentis de entis pùblicus podint èssiri incarrigaus sceti si portant s'autorizazioni de su donadori de traballu a sa cumpridura de fai s'atividadi liberu-professionali.

#### **Art. 21 - Personali de agiudu**

Po totus is traballus chi pertocant a is prestatzionis de personali de agiudu at a ddus fai deretu su sugetu gestori cunforma a s'art. 6 de su Statutu.

## TÌTULU VIII

### SEGRETERIA - FUNTZIONAMENTU

#### **Art. 22 - Segretària de sa Scola**

Sa Segreteria de sa Scola Tzivica de Mùsica est assegurada de su Sugetu gestori cunforma a s'art.6 de su Statutu.

Sa segreteria pertocat a is protzeduras tènnicu-aministrativas netzessàrias a sa cumpridura de is atividadis de sa Scola chi si pigat responsabilidadi.

A sa Segreteria tocat:

- a) cuncordai is relatas amministrativas e contàbilis cun su Comunu Cabufila e cun is Comunas Assotziaus, puru po cussu chi pertocat a is rendicontatzionis dèpidas a is entis finantziadoris;
- b) s'agiudu bia a is òrganus de sa Scola;
- c) sa gestioni amministrativa e contàbili de sa Scola in cumpridura de is cumandus donaus de su sugetu gestori e/o de su Diretori de sa Scola puru po sa cumpridura de cumandus pigaus de su Cunsillu Scolàsticu;
- d) traballai po sa currispondèntzia e po sa publicatzioni de si àutus;
- e) chistiri su protocollu, s'arcivu e s'imbentàriu de is benis de donai a su Comunu Cabufila;
- f) apariciai is cumpriduras chi pertocant a s'organizatzioni interna de sa Scola chi pertocant a iscrizzionis, dàdivas, formatzioni de is classis, entrega de is tzertificaus, ecc.

## **TÌTULU IX**

### **CARTA DE IS SERVÌTZIUS E ARRÈGULAS FINALIS**

#### **Art. 23 - Carta de is Servìtzius**

Aintru de su trèmini de 3 (tres) mesis de s'arreconoscimentu de su sugetu gestori cunforma a s'art. 6 de su Statutu, apustis de s'initiativa de cussu e totu e sa partecipatzioni ativa de is òrganus de sa Scola, at a èssiri apariciada una carta de is servìtzius specifica de sa Scola Tzìvica de Mùsica chi at a èssiri aprovada de su Comunu Cabufila.

#### **Art. 24 - Arrègulas finalis e transidòrias**

Is cosas de genia organizadora, chi pertocant a su funtzionamentu de sa scola, ant a èssiri acrarau mellus aintru de sa Carta de is Servìtzius entregada de su Sugetu Gestori cunforma a s'art. 6 de su Statutu, agatau de su Comunu Cabufila.

Is mudàntzias de custu Regulamentu podint èssiri pedias, cun delibera furmali, siat de su Cunsillu Scolàsticu e siat de su Cullègiu de is Imparadoris-Cullaboradoris.

Custu Regulamentu Generali arremprasat po intreu cussu aprovau ainnantis.